



Javno preduzeće
ELEKTROPRIVREDA BOSNE I HERCEGOVINE
d.d. - Sarajevo

063 M

Broj	10-09-2020
Prilog	
024-63-9965/2020	

Sarajevo, 09-09-2020
Broj: 02- 24557/20

Na osnovu člana 70. Zakona o javnim nabavkama Bosne i Hercegovine („Službeni glasnik BiH” broj 39/14), člana 99. Statuta Javnog preduzeća Elektroprivreda BiH d.d. – Sarajevo (broj SD-5211/16-38/2. od 29.03.2016. godine) i člana 4. stav 7. Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva - Prečišćeni tekst (broj: 06-14208/20 od 29.05.2020. godine), Izvršni direktor za proizvodnju donosi:

ODLUKU

o izboru najpovoljnijeg ponuđača u Otvorenom postupku javne nabavke 2000029787 (broj sa portala javnih nabavki 1405-1-1-146-3-189/20) – Nabavka ventila, za potrebe Podružnice Termoelektrana „Tuzla“, Tuzla.

Član 1.

Najpovoljniji ponuđač za **nabavku ventila, za potrebe Podružnice Termoelektrana „Tuzla“, Tuzla** na osnovu provedenog Otvorenog postupka javne nabavke broj 2000029787 pokrenutog po Obavještenju o nabavci broj 1405-1-1-146-3-189/20 objavljenog na „Portal javnih nabavki“ dana 23.07.2020. godine je:

„NV-INVEST“ d.o.o. Sarajevo

Član 2.

Zadužuje se Služba za komercijalne poslove da u roku od 3 (tri) dana, a najkasnije u roku od 7 (sedam) dana od dana donošenja ove Odluke istu dostavi ponuđačima koji su sudjelovali u predmetnom postupku javne nabavke, te Odluku objavi na internetskoj stranici JP Elektroprivreda BiH d.d. – Sarajevo (www.elektroprivreda.ba).

Član 3.

Obavezuje se ponuđač iz člana 1. ove Odluke da u roku od 5 (pet) dana od dana prijema ove Odluke, dostavi original ili ovjerene kopije dokumenata iz člana 45. stav 2) pod a), b), c) i d).

Obrazloženje

U predmetnom Otvorenom postupku javne nabavke objavljenom na Portalu javnih nabavki dana 23.07.2020. godine, ponudu su blagovremeno dostavili sljedeći ponuđači:

1. „NV-INVEST“ d.o.o. Sarajevo.....sa cijenom od 144.801,00 KM, bez PDV-a.
2. „KERM PROMET“ d.o.o. Zagreb..... sa cijenom od 69.404,82 Eur-a, bez PDV-a.

Zapisnik sa otvaranja ponuda po Otvorenom postupku broj 2000029787 od 12.08.2020. godine je dostavljen učesnicima predmetnog postupka u skladu sa odredbama Zakona o javnim nabavkama BiH ("Službeni glasnik BiH", broj 39/14) i podzakonskim aktima.

Komisija za javne nabavke imenovana Odlukom direktora broj 02-4-63-7202/2020 od 21.07.2020. godine, izvršila je otvaranje, pregled i evaluaciju pristiglih ponuda i utvrdila da Ponuda „KERM PROMET“ d.o.o Zagreb ima slijedeće nedostatke:

- za pozicije 3, 11, 52 i 53 iz specifikacije nisu dostavljeni kataloški listovi, a iz kojih bi se trebale vidjeti tehničke karakteristike ventila.
- za poziciju 45 iz specifikacije je zahtjevan ventil DN40 PN16 L140, a u dostavljenim kataloškim listovima su dostavljeni ventili proizvođača sa nazivnim prečnikom u rasponu od DN50 -500 PN16 L150-350. Ponuđeni raspon nazivnih prečnika i dužina nije kompatibilan sa zahtjevanim dimenzijama ventila sa pozicije 45 iz specifikacije.
- za pozicije iz specifikacije za koje su dostavljeni kataloški listovi nisu markirane tehničke karakteristike ponuđenih ventila, a sve u skladu sa popisom dokumentacije koju treba dostaviti u svrhu ispunjavanja kvalifikacionih uslova i ocjene tehničkog dijela ponude (tačka 1.).

Ponuda „NV-INVEST“ d.o.o. Sarajevo zadovoljava eliminatorne kriterije zahtijevane tenderskom dokumentacijom.

Nakon izvršene provjere računske ispravnosti ponude ponuđača „NV-INVEST“ d.o.o. Sarajevo, utvrđeno je postojanje računske greške i ponuđaču je upućen zahtjev za ispravku broj 02-4-63-9610/2020 od 02.09.2020. godine u skladu sa tačkom 7.9 Tenderske dokumentacije.

U ostavljenom roku, ponuđač „NV-INVEST“ d.o.o. Sarajevo je potvrdio i odobrio predloženu ispravku, zaprimljeno pod našim brojem 02-4-63-9613/2020 od 02.09.2020. godine, tako da umjesto pročitane cijene ponude u iznosu od 144.801,00 KM bez PDV-a, cijena ponude proizašla nakon provjere računske ispravnosti ponude, iznosi 144.799,00 KM bez PDV-a.

Na osnovu kriterija "najniža cijena", ponuda ponuđača „NV-INVEST“ d.o.o. Sarajevo povoljna je, sa ukupnom cijenom ponude u iznosu od **144.799,00 KM bez PDV-a**, te je nakon izvršene ukupne ocjene ponude osvojila prvu (1) poziciju po predmetnom javnom nadmetanju.

Na osnovu navedenog odlučeno je kao u dispozitivu Odluke.

Pravna pouka:

Protiv ove Odluke može se podnijeti žalba ugovornom organu JP Elektroprivreda BiH d.d. - Sarajevo, Podružnica Termoelektrana „Tuzla“, Tuzla, u roku od deset (10) dana od dana prijema ove Odluke.



Izvršni direktor za proizvodnju

mr. sci. Samir Selimović

Dostaviti:

- Ponuđačima
- 63
- a/a